

山東通志

(三)



山東通志卷三十四

疆域志第三

通志三之五

古蹟一

古蹟者沿革之實據也昔元和之志郡縣太平之記寰宇故城舊鎮搜載甚詳豈第修談陳迹供後人之低徊景仰已哉古蹟不明則沿革莫定也山東爲海岱名邦禹貢職方皆列版籍年代既遠其間廢置遷徙因以繁多顧伏晏二記軼而弗傳而郡邑之志乘又往往飾無爲有沿訛承謬攷古者病焉今爲徵之史志證以水經齊乘諸書定方其向道里而名賢之遺蹟古人之邱壠亦復類而志焉作古蹟畧

濟南府

歷城縣

鮑城在縣東三十里鮑山下齊鮑叔牙所食邑也

譚城在縣東七十里龍山鎮南古譚子國

臺縣故城在縣東北八十里春秋齊邑漢置縣屬濟南郡高帝六年封東郡尉戴野爲臺侯

營平縣城在縣東三十里漢縣文帝封齊悼惠王子信都爲營平侯宣帝封趙充國爲營平侯

東平陵縣故城在縣東七十五里春秋齊平陵邑漢置縣屬濟南郡

歷城縣故城即今縣治西南隅漢置縣屬濟南郡

巨合城在縣東七十五里漢巨里聚耿弇討張步守巨里即此城

郡

肥鄉縣故城在縣東境劉宋僑縣

平陵縣故城在縣東六十里後魏置縣宇文周省隋未爲李滿所據唐武德二年滿歸國於此置全節縣今全節河南有城子莊卽其故址

也金爲盤水鎮今爲龍山鎮

石固寨在縣西南四十里四面皆險惟西南一徑可通南燕時嘗據此

賴亭在縣東近章邱界上

上濰口鎮在縣北十二里金設

遙牆鎮在縣東北五十里金設

老僧口鎮在縣東北七十里金設

王舍人店鎮在縣東三十里金設

中宮鎮在縣南五十里金設

柳埠鎮在中宮東南二十五里

偃頭鎮在縣東北二十里亦曰下濰口

終軍村在縣南九十里今縣南中宮村或曰古名終翁聚卽終軍故里

歷下亭在大明湖上卽水經注之池上客亭也唐杜甫有陪李北海宴歷下亭詩

按此爲唐以前之歷下亭非今城內湖上之亭也水經注濰水北爲大明湖湖當在今城西偏其故迹已不可攷金元遺山濟南行記謂亭之下湖曰大明其源出於舜泉其大占府城三之

南行記謂亭之下湖曰大明其源出於舜泉其大占府城三之

北爲大明湖湖當在今城西偏其故迹已不可攷金元遺山濟南行記謂亭之下湖曰大明其源出於舜泉其大占府城三之

南行記謂亭之下湖曰大明其源出於舜泉其大占府城三之

北爲大明湖湖當在今城西偏其故迹已不可攷金元遺山濟南行記謂亭之下湖曰大明其源出於舜泉其大占府城三之

南行記謂亭之下湖曰大明其源出於舜泉其大占府城三之

北爲大明湖湖當在今城西偏其故迹已不可攷金元遺山濟南行記謂亭之下湖曰大明其源出於舜泉其大占府城三之

南行記謂亭之下湖曰大明其源出於舜泉其大占府城三之

北爲大明湖湖當在今城西偏其故迹已不可攷金元遺山濟南行記謂亭之下湖曰大明其源出於舜泉其大占府城三之

南行記謂亭之下湖曰大明其源出於舜泉其大占府城三之

一是時城內之湖已被大明之名而亭之舊址謂在府宅之後齊乘則謂在府城驛邸內歷山臺上與宋晁无咎北渚亭賦序所述歷下亭相合至今湖上之亭則不知建自何時明李滄溟曾一修葺尋成荒墟康熙癸酉李興祖重新之興祖有重葺古歷亭碑記是不特非唐以前之遺址并非宋元之舊矣

使君林在縣北魏正始中鄭公愨三伏之際每率賓僚避暑於此房家園齊博陵君房豹之山池其中雜樹森竦泉石崇邃歷中祓禊之勝也參軍尹孝逸詩曰風淪歷城水月倚華山樹時人以比謝靈運池塘十字

秦叔寶故宅在縣西沙苑子孫世以鐵冶爲業稱鑄鐵秦家

羅士信故宅在縣城中羅姑井上今失其處

李員外新亭在縣城外西對鵲山湖唐天寶初齊州司馬李之芳建

鵲山湖亭在縣城北鵲山湖上

鵲山亭在城上

讀書堂在王舍人莊宋張揆讀書處有蘇軾書讀書堂三字

辛棄疾故宅在四風閣今失其處

李清照故宅在柳絮泉

仁風廳在布政司署其後靜化堂禹功堂芙蓉堂名士軒竹齋凝香齋水香亭采香亭芍藥廳并見蘇曾詩有宋元祐間名士軒碑申申堂宋康定元年齊郡太守祖無擇建無擇有記今失其處北渚亭在大明湖上宋熙寧五年齊郡太守曾鞏建

百花臺在百花洲上一名南豐臺

鵲華橋在大明湖南古名百花橋元易今名遂以百花名南橋

閱武堂在城內曾鞏有詩今失其處

深源橋在縣西宋蘇轍有詩

齊州二堂在釣突泉上北曰歷山南曰深源曾鞏建有記

勝槩樓在釣突泉西金人建後爲水所壞

白雲樓在珍珠泉上元張宏建縣志張舍人園亭即其地也明初移青州都指揮使駐濟南遂爲都司署成化間建爲德藩府第康熙五年巡撫周有德卽其故址改建巡撫署

天心水面亭在大明湖上元李沔建天歷三年虞集有記亭後有

超然臺明建文時鐵鉉營犒軍於此

硯溪村在縣北十里以趙松雪得名

七聘堂在布政司街元張養浩故宅中養浩謝病歸朝廷遣使者

七聘不起後人因名其堂有蘇天爵碑記養浩又有雲莊別業在

縣西北

一覽亭在千佛山上李戴有記

環碧亭在府學明倫堂後明僉事趙論建後改名敬一

錦繡莊在龍窩明劉天民別業

金泉社在釣突泉東南明陳九疇建本谷繼宗亭舊址也以金線

泉在其中故名中有深柳讀書堂後取曾子固詩改爲冰綃堂

國朝順治康熙間歸鍾性樸爲楠園道光季年歸徐宗幹爲燕園

同治八年爲巡撫丁寶楨改建尙志書院卽今之金泉精舍是也

通樂園在釣突泉西明殷士儋建又名川上精舍後歸王氏爲王氏南園王萃曾建二十四泉草堂於側今釣突泉上山石故殷園中物也

江家池在西門外明江濬祖居

白雪樓一在縣東鮑山下王舍人莊明李攀龍予告時所居後廢爲富家馬廐一在鵠華橋東北後歸新城王象晉改建問山亭一在釣突泉東乃明按察使葉夢熊建順治甲午布政使張彥縉重修今爲滄溟祠

瞻泰樓在布政司街明許邦才故宅邦才又有水村別業在縣北門外

萬卷樓在德府前明邊貢故宅

穆家樓在西關沙苑明穆深故宅

洪家樓在縣東七里明洪侍御別業後爲尹象賢書樓

尹曼故宅在縣治東尹家巷

逸老園在鵠華橋東明周繼建

三瑞園在縣東明劉勅建

望朱臺在西營

黃岡橋在縣西五里明嘉靖十二年巡撫袁宗儒建

北極臺在大明湖北

晏公臺在北門內

鐘樓在學政署南明成化間建

來鶴亭在府治內明洪武初建舊名琴鶴以成化間有鶴來集太守蔡節適新是亭遂易今名

觀瀾亭在釣突泉上明天順五年建

太甲塚在歷山上

鮑叔牙墓在縣東三十里鮑山下

閔子騫墓在縣東五里墓前有祠宋熙寧七年建有蘇轍碑記

鄒食其墓在縣西天懸寨

朱雲墓在古平陵城南

夏侯勝墓在古平陵城東

劉衡墓在古平陵城旁有漢趙相劉衡碑

吳子蘭墓在完備山

錢珍墓在王舍人莊珍巴郡武昌人有隋開皇內午墓誌

唐恭墓在龍山鎮南恭隋齊州刺史有開皇二年墓誌

孟善至墓在縣東一里有唐咸亨三年墓誌

馬舉墓在縣東北有唐長安二年墓誌

張機墓在縣南

魏花墓在魏花莊

關勝墓在縣南渴馬崖

張榮墓在縣東張林邸

郭太師墓在老僧口有元墓碑

張儀墓在唐王道口有元元貞二年劉敏中撰神道碑

張仁墓在唐王道口有元大德四年李吉撰神道碑

張宏墓在張林邱有元至正十四年李國鳳撰神道碑

秦津墓在龍山西北有元憲宗四年宋貞撰秦氏先塋碑

段徽墓在嶗山有元憲宗九年張泰亨撰神道碑

張養浩墓在縣西北十里雲莊

趙受益墓在十里河有元趙孟頫題墓碣

衛青墓在縣西北五里藥山西麓青松江華亭人明洪武時爲山

東都司指揮使有李賢撰神道碑

韓青墓在馬鞍山下青全椒人明爲山東都指揮同知守紫荆關

戰死有許彬撰神道碑

李貴墓在捍石橋外明宣德間爲山東都指揮僉事有許彬撰神

道碑

尹旻墓在八里山陽有明李東陽撰墓誌銘

王勅墓在縣南八十里龍窩山

邊貢墓在縣東南萊家莊有明李廷相撰神道碑

劉天民墓在縣西五里溝

范瑟墓在紫荆山南

殷衡墓在殷家小莊

李攀龍墓在柳溝有施閔章重修墓碑

許邦才墓在火閣莊

周繼墓在茂陵崗

王見賓墓在武場東

陳九疇墓在七里山

劉勅墓在華山下

盧義娥墓在縣西官廳側

章邱縣

甯戚城在縣東北二十五里齊大夫甯戚采邑

崔氏城在縣西北七十里左傳崔成請老於崔杜預注濟南東朝

陽縣有崔氏城

陽邱縣故城在縣北七十里漢置縣屬濟南郡文帝封齊悼惠王

子安爲陽邱侯今爲回軍鎮

土鼓縣故城在縣東南二十五里漢置縣屬濟南郡白金爲明水

鎮

祝縣故城在縣西北十五里漢置縣屬濟南郡武帝封趙敬肅王

子起爲祝侯今古城遺址尙存

樂盤城在縣南二十七里樂盤山下漢平陵王與陽邱侯饒送處

高唐縣故城在縣西北二十里劉宋僑縣本古黃巾固城今爲水

寨

廣宗縣故城在縣東南五十里劉宋僑縣今爲文祖鎮

博平縣故城在縣東南三十里劉宋僑縣今爲博平鎮

頓邱縣故城在縣西南七十里趙山之北劉宋僑縣魏封寶瑾爲

頓邱衛國侯今爲三頓首莊

衛國縣故城在縣西南四十里雞山園東劉宋僑縣魏宣武帝時

封王顯揚爲衛國縣伯

臨濟縣故城在縣西北六十里隋置縣屬濟南郡宋咸平四年改

爲臨濟鎮

清平軍故城在縣北十五里唐置縣金廢爲舊軍鎮

普濟鎮在縣東南三十里金置

利津橋在舊軍鎮宋咸平間建

緇江亭在縣東緇江河東岸金元好問與張子鈞張飛卿觴飲於此

濯纓亭在明水鎮東麻灣上張受益建

甘澍亭在女郎山金泰和間縣令劉思溫祈雨有應因建此亭劉確有記

含輝亭在縣東南五里元劉敏中建

飲江亭在縣東南五里元縣令李惟肅建惟肅常指緇江語人曰吾惟飲此水耳遂取以名亭劉敏中有記

藏雲亭在縣東南十五里元張友諒建

柏軒在縣西南顧邱莊元宋慶餘築張起巖有記

三辛樓在縣北明喬岱建以祖木正統辛酉父奉先成化辛卯岱

宏治辛酉先後登第故名

望江樓在縣東緇江岸上明知縣呂秉堃建劉燮有記

萬卷藏書樓在縣治西北隅中麓書院內明李開先建開先有記

思恩亭在縣北耿家莊明劉祿建

大觀樓在女郎山明萬歷間知縣王振熙建

鐘樓在縣治西南有明李錦重修記

巽風塔在縣城上

樂山亭在縣東長白山下明張茂蘭建

漪漪亭在明水鎮明康迪吉建

南園北園在明水鎮明康大猷建

余青園在縣西三里明焦馨歸田時所置張篤慶有記

緇江橋在縣東緇江河上明成化十六年建

古赫胥氏陵在臨濟鎮

鄒衍墓在縣東十里

王燭墓在縣東十五里

劉敬墓在縣西十里

漢平陵王墓在縣西南四十里危山墓旁有祠

周登墓在危山南

馬融墓在臨濟鎮南融爲南郡太守卒葬於此

房彥謙墓在縣南三十里趙山南有唐貞觀五年李百藥撰碑

廉復墓在縣東南二十里廉家坡有宋宣和五年李格非撰碑

穆賓墓在女郎山南賓字廷秀河南人宋隱士有政和三年王壽

卿撰穆氏先塋表

夏侯府君墓在縣北十里夏侯莊府君名字未詳宋比部郎中有

墓誌碑額僅存

尤虎通墓在女郎山下通金丞相尤虎高琪子明張茂蘭有尤虎

氏古墓記

王宏墓在縣南寨西有元太宗四年李灝撰碑

劉鼎墓在縣東南三里西高莊北有元延祐五年程鉅夫撰神道

劉景石墓在西高莊北有元延祐五年程鉅夫撰神道碑

劉敏中墓在西高莊有泰定二年張友諒書墓碑

張起巖墓在縣東南十五里相公莊

張澤墓在相公莊有元閻復撰張公先塋碑

崔榮墓在縣西北三十五里張家林有元泰定二年張臨撰墓表

張斯和墓在相公莊有元至順二年張養浩撰神道碑

張寬墓在縣南十三里西營莊北有元元統三年張起巖撰碑

劉府君墓在女郎山後府君名字未詳元征南軍師有墓碑

洪漢墓在縣西南十五里

劉棠墓在張家林西

張舜臣墓在縣西

謝九儀墓在縣南

李冕墓在明水鎮有明石申錠撰墓表

李聰墓在縣南三十里鵝莊有孫開先撰碑

李開先墓在鵝莊

劉祿墓在縣北五里有明王之坦撰墓表

張茂蘭墓在縣東十五里

焦馨墓在縣南

鄒平縣

古鄒國城在縣北四十里古鄒侯舜後姚姓封國也今爲孫家鎮

梁鄒縣故城在縣東北二十里漢置縣屬濟南郡高帝六年封武

虎爲梁鄒侯今舊口鎮古城其遺址也

東鄒縣故城在縣北六十里漢置縣屬千乘郡今爲花濤鎮

平原縣故城在縣東十二里後魏儒縣今爲平原莊

趙臺城在縣東北二十里唐武德間鄒平縣治此城今名步王臺

唯娑鎮在縣西北宋置一曰唯店

翠微亭遐景亭在黃山西麓元處士安宅建王構有安氏二亭記

滕處士宅在縣北五里滕家莊

免柴在黃山北明張延登別業董其昌有記延登又有寄清園在

城內

日涉園在沙溪月河莊東黃山東南

河湄園在黛溪明張萬鍾別業夏允彝有記

葑園在縣西南美井莊明張萬斛別業內有長白山房題額爲董

其昌書宋奎隱有記

涉趣園在縣西南三里郭莊明成昇運建于重華有遊涉趣園記

墨王亭在濟山深中明王象咸建象咸工草書故名

魯泉山居在西山玩湖峯下明成嘉運歸田時所居峯下有魯泉

虞世子墓在縣東南一里黃山西麓

梁鄒侯墓在縣東南一里又安家莊城子莊成家莊十里鋪皆有

梁鄒侯墓

伏生墓在縣東北十八里相傳爲伏生故里墓前有祠有元至順

二年張起巖重修記

景範墓在縣西南三里相公山有後周顯德三年扈載撰神道碑

劉汝翼墓在縣北五十五里大三戶莊有元至元時元好問撰碑
張古忠墓在孫鎮南張家莊有子臨撰河溝阡表臨墓卽在其南
有元至正二年墓碑

宋敬之墓在徐家莊北有元至正七年神道碑

孫福墓在縣西北十五里孫家閭東有元大德四年張德壽撰碑

賈訓墓在縣西三十里賈莊南有墓碑篆額僅存

劉興祖墓在縣西南一里有元至正四年李古撰碑

楊榮墓在縣北輝李莊西南

孫七公墓在縣西三十里鳳凰山有明曾榮撰神道碑子浚初孫

士英墓俱附

李海墓在縣西十八里上口西有明成化時墓誌銘

張一元墓在縣南印臺山東南有明趙秉忠撰墓表

張一亨墓在縣西五里馬家莊南有明趙南星撰墓表

張延登墓在馬家莊南有明劉理順撰墓表

長山縣

於陵縣故城在縣西南二十里周村鎮南漢置縣屬濟南郡卽齊

陳仲子所居地也今城址尙存俗呼爲古城

高宛縣故城在縣北二十里又名西高宛城漢置縣屬千乘郡今

爲宛城店

廣川縣故城卽今縣治東晉僑縣

武強縣故城在縣東十五里劉宋僑縣今爲故縣村

古于亭在縣西南三十里夫村齊公子周采邑

陶唐口鎮在縣西北二十里宋置

盧權塾在東山相傳齊桓公積土爲之

石室一在長白山一在太湖山相傳爲陳仲子所居又於陵城東

有古泉驛爲陳仲子故宅

上書堂在長白山會仙峯南養堂嶺與章邱接壤宋范仲淹讀書

處

禮參坡在縣西九里范仲淹爲青州太守過縣禮參父老甚恭因

以爲名

懷范樓在南城隅金泰和中建范仲淹嘗讀書於此後人懷之故

名

槐行在縣北六里元張公直故居所種槐柳成行故名

召忽墓在縣南二十里鳳凰山

萬章墓在萬城莊西北三里

陳仲子墓在縣城中有碑鐫於陵陳仲子墓六字墓前有祠

丁公墓在縣北十五里丁家埠

姜遵墓在縣東南七里莊有宋王居敬撰墓誌銘

韓贊墓在縣北五里青邱店有宋王巖叟撰墓誌銘

朱文翰墓在縣北杏村東

王宣墓在縣東北十里

孫少府墓在舊治東北按察司衙內相傳少府曾爲縣少尉因

修孝婦河橋不成自剄以謝邑人立祠祀之姜思齊有重修孫少

府祠記

焦榮祖墓在縣北三十里焦家橋有焦氏世德碑

李士翔墓在縣西北二里

徐以貞墓在縣城北門外

曲遷喬墓在縣南二十里

劉鴻訓墓在縣東南二十五里

王璉墓在縣西

靳震墓在縣西

許進墓在縣南周村

劉一相墓在縣南二十里

史永安墓在縣南二十二里

王之猷墓在縣南二里

王象恒墓在縣南二里

淄川縣

昌國縣故城在縣北四十里樂店北漢置縣屬齊郡齊昌國君樂

毅故封邑也今呼爲昌城

般陽縣故城即今縣治漢置縣屬濟南郡縣在般水之陽故名

土鼓縣故城在縣西南四十里劉宋移土鼓縣治於此今名鼓城

村

長白縣故城在縣東北二十里羅家莊西南唐武德元年置縣六

年省今遺址尙在或曰即古反蹤城齊景公失馬尋蹤得於此魏

明帝於此置新沔縣者也

夾谷臺在縣南四十里甲山

鬼谷洞在縣東十五里梓檀山前相傳鬼谷先生隱居於此

鄭康成書院在縣北二十里巖山

曬書臺在巖山鄭康成刊注詩書棲遲於此臺畔有草如薤而長

曰書帶草

蘭室在梓檀山宋王樵築

鳳凰臺在縣四十里相傳有鳳皇集於此張永濟有記

長白先生書院在長白山東南麓元張明讀書處有泉湛然涓涓

下注冬夏不竭

時雨堂在縣學內明成化時知縣周源建

石隱園在縣城內明畢自嚴築

環青園在縣北二十五里范陽湖北明張至發別業

仙洲園在縣東北明韓取善築

棲雲閣在縣東門外明高珩建

逸峯園在縣南十五里明孫之辨別業

公哲子墓在縣北夏莊

蘇相墓在縣西十里

龐涓墓在縣南一里相傳孫臏敗魏兵涓自殺韓趙以涓常暴於

彼與齊兵分其尸齊得其首葬此今墓西有村尙名曰將軍頭

紀信墓在縣北四十里昌國城

董永墓在縣西北三十里阿里莊東北又博興魚臺皆有永墓

傅永墓在縣北三十里永仕北魏封貝邱男

羅希古墓在縣西南七里店西

羅仲宣墓在縣南十里有宋元祐三年王積中撰神道碑

王樵墓在縣南里

焦光贊墓在縣南八里旺裏莊光贊宋人從范公征西夏卒於軍歸葬於此

公主墳在縣北十里眉嶺上金徒單經爲淄州刺史尙熙宗第七女潘國公主卒葬於此稱瓊樓公主墓

蒲魯渾墓在昭村北魯渾元陽路總管

蒲居仁墓在昭村北

祖孝墓在縣東三里孝元帥封國師公

石將軍墓在縣東南山谷中相傳將軍闖妖姑唐賽兒於山寨礮

石傷額而卒因葬此

戴誠墓在戴家莊西南

王象乾墓在楊家寨南

韓取善墓在縣西北三十里珂里北

張至敬墓在縣北十里賈村北

畢自嚴墓在縣西五十里黃埠

王教墓在縣西五十里蘇李莊南

高全墓在縣北二十里月莊

高舉墓在縣東南七里馬家莊西

張文慶墓在縣北十里董家莊土人謂之將軍墳

新城縣

西安縣故城在縣東四十里漢置縣屬齊郡今爲索鎮後魏曾於

此僑置索盧縣故名

平安縣故城在縣北四十里漢置縣屬千乘郡今呼爲會城

高苑縣故城在縣東十二里今名格孫城又名箕遊城

延鄉縣故城在縣東牟莊東北漢封李璋爲延鄉侯

鵝鴨城在縣東北二十里相傳爲南燕時慕容超養鵝鴨處

葵邱在縣東二十里張家埠東澇淄河西岸相傳卽春秋齊葵丘

張店鎮在縣東南四十里與長山淄川益都三縣接界

桓臺在縣署東相傳齊桓公嘗駐於此又名驛馬臺今呼爲戲馬

臺舊有桓景廟今廢

飲馬池在縣西北三里邢家莊相傳桓景飲馬於此又有牧馬廠

在潘孟店

北坨在縣北相傳卽春秋時北杏

管仲并在格孫城北門內所發瓦長六尺有奇

魯連陂在縣東北錦秋湖旁相傳爲魯仲連故里陂上有魯連井

又有錦秋亭明趙文炳建爲一邑名勝

顏蠋故里在會城泊中

陳仲子灌園處在縣東南

轅固故里在縣東北十八里

苻后故里在縣東五里苻后莊

王貴故宅在曹村王氏本諸城人元末白馬軍之亂遷居於此

王大司馬園在縣東郭外有古石二一曰玉柱一曰蒼雲爲歷城

元張養浩雲莊故物

南園在縣南郭中明王象晉構內有二如亭爲象晉歸隱時著書處

東園在縣東牛里明王象乾別業

華嚴塔在縣東北十里高樓店唐徐勣造

古冢在縣南相傳爲齊諸公子墓

韓固墓在縣北十八里卽授經臺

張忠墓在縣東十八里于家隄側忠金元帥張榮父

寶欽墓在張家埠北欽金恩校尉金亡不仕

郝全墓在縣西南半里全爲元千戶郝青父

馬安墓在縣東南十五里夏家莊安爲元忠顯校尉墓上有碑

王宣墓在縣東北四十五里牟家莊

何老墓在縣東八里長春觀側

畢亨墓在縣東南二里白石溝

王重光墓在縣西南二里有王家屏撰集歐陽詢書墓誌銘

王之坦墓在縣南二里

崔文奎墓在苗家莊西莊

王象坤墓在縣南二里

徐準墓在縣東十八里唐家店

耿鳴世墓在縣東北五里鄭漢溝

王象晉墓在縣西南二里梧河之陽

齊河縣

晏城在縣西北二十五里齊晏嬰采邑漢置瑗縣屬平原郡今爲

晏城鎮

龍額縣故城卽今縣治漢置縣屬平原郡宋爲耿濟鎮城東一里耿濟口漢耿弇討張步濟師處也

祝阿縣故城在縣西北二十里後魏置縣屬齊州太原郡

源陽縣故城在縣西北五十里本隋末桓孝才立墅唐武德初置爲縣在源河之陽故名宋爲安仁鎮今爲倫鎮

野井亭在縣東春秋昭公二十五年齊侯唁公於野井卽此

新孫耿鎮在縣東北四十里金置

劉宏鎮在縣西南三十里金置有元建慈恩寺

飲馬池在縣北八里莊漢韓信下齊過此曾飲馬於池

看花臺在倫鎮西南元劉通建

千楸園在縣城西南隅明房士守建中有太湖石明趙亮采有銘

段志元墓在縣北二十里晏城南段家橋

劉通墓在縣西南三十里

戚相公墓在縣西南二十五里

岳甯墓在縣北四里

冀邦直墓在縣西北二十五里冀家莊

尹秉綸墓在縣西北三里

孟養性墓在縣西二里

房士守墓在縣東五里

王宮臻墓在縣南二十五里

齊東縣

朝陽縣故城在縣西南三十里漢置縣屬濟南郡俗曰魏王城
臨濟縣故城在縣東三十里劉宋置縣屬齊州濟南郡今爲劉家
鎮

齊東故城在縣西大清河東岸遺址尙存

齊東鎮卽今縣治金天順中改鄒平之趙巖口爲齊東鎮今縣北
門外之趙巖渡其舊迹也

臨河鎮在縣南四十里宋置

延安鎮在縣西三十里金置舊有元文宣王廟今廢

故王臺在縣東三十五里李家莊

牧馬廠在縣南四十五里相傳爲齊無鹽牧馬處

麻姑臺在縣南三十里唐太宗征遼時麻姑餉軍於此太宗命軍
士負土築臺建廟祀之

王文華墓縣在西南二里文華元至順元年狀元俗呼爲狀元墳
王瓊墓在縣東南五里瓊元時封太原侯

孟德墓在縣南二十里德元封萬戶侯有張元方撰神道碑

耿通墓在縣西南四十里歸蘇鎮西北

濟陽縣

濕陰縣故城在縣西南五十里漢置縣屬平原郡

著縣故城在縣西二十里漢置縣屬濟南郡今呼爲郭城

臨邑縣城在縣西南三十里劉宋脩縣屬冀州魏郡

歸化縣故城在縣西北五十里唐元和十三年置縣今爲新市城
灌家口草市在縣西唐元和二年鄭權奏德州安德縣渡黃河南

鄰齊州臨邑縣有灌家口草市卽此今爲下口鎮

回河鎮在縣西南二十里金置

河隄鎮在縣北三十里金置今爲曲隄鎮

仁豐鎮在縣東北六十里金置

聞韶臺在曲隄鎮相傳爲孔子在齊聞韶處元建大成殿於上有

王士熙碑記

楊烈墓在縣西北十五里烈爲金宏農郡伯

楊文郁墓在縣西北十五里文郁爲元翰林學士有李謙撰神道

碑

賀延壽墓在縣西北六里有元延祐三年趙孟頫撰神道碑

張炳墓在縣東北十里有元至元三年高詡撰張公先德碑

張昭墓在縣東十里昭歷城人元封清河郡侯

高時墓在縣南三里

張震墓在縣西四十里

邢義墓在縣南三里

郭時敘墓在縣東五里

黃璉墓在縣西南一里

王旒墓在縣東五里

禹城縣

高唐縣故城在縣西南五十里倫鎮西北漢置縣屬青州平原郡
本春秋齊邑哀公十年趙鞅伐齊毀高唐之郭卽此

阿陽縣故城在縣南七里漢置縣俗曰羊落城

禹息城在縣南八十里昔禹以息土填鴻水以爲名山義取此

新安仁鎮在縣南三十里宋置

水寨在縣南六十里宋置今日水寨寺

黎濟寨鎮在縣西北三十里宋置

具邱在縣西十里昔禹治河築此以望水勢俗名曰十里望

南營北營在縣南十里漢耿弇與張步對壘處

擊壤亭在縣東三里祝家莊元紀敬叔建

野井新亭在縣東一里明于際掘地得古井因建是亭

邀月亭在縣東一里東邱側明于際建

禹迹亭在縣城內明劉士驥建今山西會館其舊址也土驥又有

雪山堂在南門內

慕容白曜墓在縣北半里

周德威墓在縣南八十里後人建廟其上曰將軍廟

李瞻民墓在縣東南安仁鎮瞻民宋贊善大夫

孫郁祖墓在冷家鋪邵祖元百戶

劉通墓在墩子劉鋪通元百戶

劉綱墓在縣東南新寨店

劉中立墓在縣北一里中立明按察使

馬魁墓在縣西二里魁明王府長史

李守正墓在縣北七里鋪後守正明通判

臨邑縣

潔陰縣故城在縣東南本漢之潔陰亭晉末移潔陰治此呼北潔

陰城今俗呼薄刺王城

龍灣城在縣南十二里建置未詳

鹿角關在縣北十五里與陵縣交界唐置以鹿角津得名

城子泊在縣南十二里每陰霧望之濛濛如市

文廟莊在縣西南四十里元縣尹田壽以田六百畝爲贍學田故名

燕王隄在縣東北二十里宿安店唐太宗征遼時宿此命軍士負

土築城未就遂名宿安隄明成祖圍濟南經此重築之改今名又

有演馬莊爲明成祖演馬處

雙墩在縣東門外

聚星橋明邢如約建

來禽館在縣學前濟園內明邢侗讀書處爲濟園二十六景之一

瑞霧園在縣城西南隅明王治建後改爲白衣菴

涼王墓在縣西南六十里李猪狗葬地

涼王五將墓在縣西南相傳涼王五將戰死於此

苗光義墓在縣東十里光義宋軍師

趙顯墓在縣南二十里清涼店顯元縣丞

苗徽墓在縣東十里徽明按察使

趙簡墓在縣東北十里簡明參政

李汝相墓在縣東六里買家莊後汝相明參議

王治墓在縣西十里大梁莊治明尙書

邢侗墓在縣西南八里盧家莊侗明太僕少卿

長清縣

長城在縣東南九十里長城堡周顯王十八年齊築防爲長城即此城因山爲之起平陰縣之防門緣泰山北岡而東經萊蕪博山臨朐沂水莒州日照至膠州海中大珠山而止

盧縣故城在縣西南三十里隔馬山之西本春秋齊邑漢置縣屬泰山郡後漢初東平人爰曾起兵盧城頭卽此今俗呼馬西學城在縣故城在縣東南三十里漢置縣屬泰山郡今爲張夏鎮

祝阿縣故城在縣東北三十里春秋爲祝柯邑漢置縣屬平原郡漢耿弇討張步步使其黨費邑軍歷下又分兵屯祝阿卽此

升城在縣西南十五里東晉僑置太原縣於此劉宋房崇吉守升城不附魏爲慕容白曜所陷

濟北縣故城在縣東南四十里本隋平時縣大業初改今名

豐齊縣故城在縣東北三十里本隋之山在縣唐天寶元年改今名今爲豐齊鎮

刺榆店卽今縣治縣本治後魏太原郡城宋至道二年徙此

石甯在縣東石甯村左傳齊侯自徐關入遇辟司徒之妻以爲有禮予之石甯元趙文昌學田記有地在石甯之語是當時其名尙存

石門在縣西南六十里春秋隱公三年齊鄭盟於石門今名石門莊

鍾城在縣西北境漢耿弇討張步拔其祝阿鍾城卽此

甗口戌在縣西北晉張顯屯祝阿之斗城慕容德等擊之至斗城

去甗口二十里卽此斗城在甗口西北

垣苗城在縣西南五十里故洛富城也宋武帝西征長安令桓遵鎮此故俗稱爲桓苗城

糜溝城在盧縣故城北宋垣護之留戍糜溝城卽此

石寨在縣東南七十里燕西中郎將封融製石寨城卽此今爲石都寨

野井亭在縣東北四十里

始皇城在金陵東相傳爲始皇東巡時所築今名爲始皇莊

盧糧家在盧縣故城東門外相傳糧道濟唱籌量沙之所

禹王隄在縣西五十里一名金隄

桓公臺在縣西二十里相傳爲齊桓公所築

魯般洞在靈巖寺辟支塔南

徐愨村在縣西北七十里愨戰國時人

韓信臺在縣北二十五里相傳韓信下齊時所築臺西數里有溝乃其藏兵處今猶呼爲韓信溝

婁敬洞在縣東南六十里洞有婁敬范蠡張良石像

楊家臺在縣東北三十里山麓一石高丈餘

汲桑村在縣西南七十里桑晉爲牧師與石勒爲友聞公孫潘起兵趙魏桑與勒率數百騎赴之遺村尙在

小白莊在歸德鎮東漢光武避兵入溝中昏黑不見天稍明赴前

小村村遂以小白爲名又光武兵敗爲莽所追忽天降大霧遂得

脫今其地在潘保霧頭俗猶呼爲十里霧

飲馬溝在靈巖寺山門外宋徽宗幸泰山飲馬於此

野老莊在靈巖寺東古曠一處乃晉張巨和隱居處

絕景亭在靈巖寺內宋大觀初寺僧仁欽建

遲賢亭在縣東南七十里明成化丙申居民掘地得斷碣有古隸

書遲賢亭三字縣尹朱義因建此亭

景山樓在縣治內元縣尹趙文昌建

後樂亭在縣治內明縣令武金建

孫叔敖墓在縣西南三十里

徐愨墓在縣西北七十里榆科莊

曹參墓

耿弇墓

焦花女墓在縣東二十里鷄兒屯

李堅墓在石澗鋪西山堅世稱麻衣先生

劉淵墓在縣西南二十里鄭家樓後有元延祐間杜質撰神道碑

嚴實墓在縣西五十里

趙文昌墓在縣西北五十里有元吳衍撰神道碑

張立墓在縣東北三十五里羅屯莊有元神道碑

德莊王墓在縣東南四十里青崖山之陽子濟甯王安祿附

房守士墓在縣東北守士齊河人

殷士儋墓在縣東北風凰山之陽士儋歷城人有明神道碑

趙亮采墓在風凰山下

陵縣

安德縣故城在縣東南三十里漢置縣屬平原郡

重邱縣故城在縣東北二十里漢置縣屬平原郡今爲神頭鎮

白石城在縣北二十里漢封悼惠王子雄渠爲白石侯

臨齊縣故城即今縣治後魏時東齊未實築城以臨之故曰臨齊

太和十二年桓天生據高城南齊曹虎破之曾移治此城

三汊口城在縣東南唐貞元初淄青帥李納所築後冀帥王武俊

引兵至三汊口詔納子師古毀其城

平原郡故城繞縣外郭隋平原郡治安德縣唐因之爲德州平原

郡顏真卿守平原河朔盡陷惟平原拒守即此城也今女牆盡廢

而壁立不改

盤河鎮在縣東宋置

磁博鎮在縣東四十里宋置

朱亥故宅在預備倉後昔魏無忌奪晉鄙兵救趙亥操椎殺之及

解邯鄲圍遂不能歸魏因家焉

歇馬亭在縣北十八里相傳唐太宗征遼時歇馬於此

看花臺在縣西門隄塹外唐顏真卿守平原時所築後廢爲佛寺

惟西南隅一井尚存

德風堂在舊德州治

葛津堂在縣境以臨葛津河故名

東方先生祠在縣東北二十里神頭鎮有唐顏真卿書畫像贊碑

按漢書東方朔傳朔下原狀次人攷狀次爲漢舊縣後爲富平

縣又名邵城其故城在今陽信縣東南三十里郡國志云狀次

城有東方朝家是墓當在陽信顏魯公偶未深攷於畫贊碑陰

記誤稱厭次城在安德縣東北二十二里廟西南一里一統志

岳通志遂沿其誤今列祠於此而墓則別見於陽信

王偃墓在縣東三里河劉家莊北偃太原晉陽人東魏爲渤海太守有武定元年墓誌

張祐墓在縣東南三里祐單懷人元中書省參知正事封清河郡

公明成化間翁仲猶存

張讓墓在神頭鎮讓明孝子

蘭剛中墓在蘭家莊西南

石維屏墓在神頭鎮

德州

鬲縣故城在州東南二十五里漢置縣屬青州平原郡

龍湊城在州東北河津置戊戌後漢初平三年公孫瓚遣兵擊袁

紹至龍湊爲紹所敗卽此

長河縣故城在州東十里本隋平原郡廣川縣仁壽元年改名長

河今爲方山店

長河縣西城在州西衛河西岸唐元和四年徙長河縣治此

小胡城卽今州治唐初竇建德將王小胡亡命至貝州作亂此城

當其所築唐曾移長河縣治此

十二連城在州城東明建文元年都督韓觀築以護北廠倉儲

羅城遼州城之東南明正德五年劉七之亂將作知州甯河築此

城以衛城廂

張公故關在州南

趙宅鎮在州東北宋置

陳公隄在州東北五里宋陳堯佐知滑州時築以防河綿亘至海

丞相營未詳所在元至正十八年丞相也速屯兵於此

將軍寨未詳所在明洪武元年常遇春克德州與大將軍徐達會

兵於此

桑兒園在州北七十里明正德中馬申錫嘗駐此招流賊劉六等

迴龍壩在州大西門外明萬歷四十年知州孫森築

行宮在州西衛河東岸明永樂宣德間車駕往來兩京嘗駐於此

繁露臺在州學內明正統六年知州章景元掘地得古碑因卽其

地建臺

振河關在南城上明洪武十年建

靜軒未詳所在明程瑤讀書處

濯錦園在州城內明程紹別業

尊水園在州城內明御史盧世灌故居

拙政園在州東三十里土橋西明孝廉李誠明別業內有矩亭

河倉在州北三里金置明永樂七年又建水次倉於此

雁塔在州東南城上明洪武十年建

高植墓在州北第六屯河岸植魏司徒高肇之子官濟南刺史有

神龜元年墓誌

高貞墓在第三屯 魏營州刺史有正光四年碑

蘇祿國東王墓在州北二里蘇祿國在東南海中明永樂十五年

王巴圖噶巴達喇來朝歸至州率葬於此

曹得墓在州北十五里曹村得山西懷仁人明永樂中官都督鎮州七載

王綏墓在州北五里綏明指揮土木之變死於難

張惠墓在州西三里河岸上惠明禮部尙書

盧宗哲墓在州西南八里迴龍廟宗哲明光祿寺卿

程紹墓在州東二十里韓家莊紹明工部侍郎

德平縣

平昌縣故城在縣東南三十里漢置縣屬平原郡文帝封齊悼惠

王子叩爲平昌侯

般縣故城在縣東北二十五里漢置縣屬平原郡又有唐般縣城在縣西南十六里隋般縣治西平昌城唐貞觀十年因被水徙治於此

重平縣故城在縣西北三十里漢置縣屬渤海郡今爲重平鎮

西平昌城在縣西南三十里東漢置縣屬平原國

懷仁鎮在縣東南二十里宋置

孔家鎮在縣東北二十五里金置

縣堤在縣西南二十五里

蒲臺在縣東南三十里秦始皇東巡榮蒲曾繫馬於此

廣教古塔在縣西二十里廢鎮唐貞觀十三年鄂公尉遲敬德

監修

鐘樓在縣治儀門內金大定八年建

演廳臺在縣西三里元兀魯公演廳處

駙馬府在縣東南一里

宜疎園在縣東三里明葛守禮別業

共適園在縣東南二里明葛昕別業中有集玉山房

川上草堂在縣南門外明葛彞生別業

書帶園在縣南門外明葛如麟別業

光嶽樓在北城上明隆慶七年建

聚五樓在西南城上明隆慶五年建

璧聯閣在東南城上明萬歷間建

大王墓在縣東十八里

朱祐墓在縣東南二十五里祐漢建義大將軍封昂侯

趙寵墓在縣西北半里寵唐濟州刺史有永徽三年墓誌銘

朱和墓在縣西北半里和元德州行省參政有神道碑子懷遠大

將軍佐墓附側

萬緒墓在縣西南八里緒元淮西廉訪使

蘭琦墓在縣南二十五里琦明順天府府尹

葛守禮墓在縣東三里守禮明左都御史

平原縣

平原縣故城在縣南二十五里漢置縣爲平原郡治高齊始改築

今城移縣治焉

郈縣故城在縣南三十里漢置縣屬清河郡

張公城在縣南六十里魏清州刺史張公治此城故名城東有津